

## **AG dau 11 d'octòbre de 2012.**

Présents : J. Pierre Reydy, Anne-Françoise Nadal, Annie Brouillet, Gilbert Bourgeois, Sandra Walker, Goef Walker, Yves Lavalade, Patrick Ratineaud, Jean Delage, Jean-Claude Puyraveau, Alain Millet et Jaumeta Beauzetie.

Excusés : Odette Marcillaud, Bernadette Restoin, Suzel Nadal et Jean-Pierre Roussignol et Jean-Claude Ducourtieux.

### **ATELIER « Cors de linga Occitana » e Conferenças de Javerlhac : Responsable : J. Pierre Reydy**

Cors gratuits de octòbre a abriu, los dimecres a 6 oras sala dau complexe esportiu. Faudria far un pauc de publicitat per far venir de novelas personas perque aura tots los « ancians » son formats !

En 2012, fagueren venir Micheu Chapduelh que contet tot en occitan, a Javerlhac. Beucòp de monde. (veire lo compte-rendut d'Alain N. dins Novelum. Repas a la fin de l'espectacle.

*feira de la Chandelor a Javerlhac (ne poguet pas se far a causa dau temps)*

Per l'an que ven, Chantalinga porria venir. (desplaçament a païar)

Participacion a la dictada de Charreç.

Cors sus Internet : [www.jpreydy.canalblog.com](http://www.jpreydy.canalblog.com)

**CONFERENÇA dau printemps** : *a chausir per los participants. Si qu'era chausit pro tòst, quò porria se trobar dins « Tamborinaire » dau PNR*

### **« Cors de linga de Maruelh » : Responsable : Jan-Glaudi Puegraveu**

Cors gratuits de octòbre a mai.

Animacions de Maruelh dau 2 de junh : presentacion daus cors d'òccitan, a l'ocasion de « las mila colors » dau CSC.

(publicacion dau libre « Memòria occitanas a compte d'autor)

**Los dos cors an reçaubut lo label « PARLESC » Bravò per la qualitat daus cors !**

### **ATELIER «Organisacion «JORNADA DAU CHANT OCCITAN» Responsable : Patric Ratineu.**

Convencion sinhada coma lo Parc e los Gentes Goïats.

Velhadas de repeticion : Marvau, lo divendres 13 de janvier de 2012 ,St-Victurnian, lo diumenc 4 de feurier de 2012, Ajac, lo 10 de març, Charemnac e Lagulhac de Cercles.

Beucòp de monde lo 21 d'abriu 2012 a Sent-Estefe. Mini estagi de chant plan apreciat emb Benoît de la Maison de Païs de St-Auvenç e participacion de nombrosas corals coma 'quela de l'ASCO de Sarlat, las 'belhas de Brageirac, Chantalinga de Limòtges, Chantagreu de St-Auvenç, los Chantadors de las Salas... Gentes Goïats de Pueg'Gut... Articles dins los jornaus. Enregistrat per M. Delage sus son site [www.chanson-limousine.net](http://www.chanson-limousine.net)

La 5a Jornada se fara a St-Pardol la Ribiera lo 29 de setembre de 2013 per la Quinzena Occitana que se prepara per los 15 ans dau PNR.

Jean Delage nos perpausa, tanben, aimablement, de modificar son site per que nòstre associacion sia representada : <http://www.union-occitane-cch.net>  
Nòstra associacion aprecia la solidaritat de M. Delage.

La sala de Samatia es reservada per lo 20 d'abriu per una repeticion de chants. Anne-Françoise Nadal perpausa de far venir un grope rencontrat a Rodez «Castanha e vin novel ». que porria far partida de « Tamborinaire ». L'AG es d'acòrd.

Una convencion sira sinhada coma lo Parc e los GG coma l'an passat.

Las velhadas per aprener las chançons chausidas son au programme. (Fiu rotge : « un tot pitit bocin !... » borreia, « lo cocut », « cassa-cacaus », « los cacalons », « ente sei nascut» (de J.

Gl. Pueg-Raveu), « la mazurka de St-Andiòu »( emb tanben de las paraulas de Ives Lavalada sus St-Barrancou » « los esclòps », « l'auseu » chançon basca), « Jana te marida pas ! »)

Velhadas dau 15 de març 2013a Maisonnais,  
Velhada dau 20 d'abriu a Sant-Matia/Samatia

En janvier : lo 18 de janvier. Patric vai veire emb Micheu Nicolas.

En feurier : lo 16 de feurier. Veire emb Auginhac ... ?

Lo CD sira enregistrat per lo Patric e la Anne-Françoise e la Suzela. A escotar sus lo site daus Gentes Goïats <http://gentesgoïats.blog4ever.com> e tanben : [www.chanson-limousine.net](http://www.chanson-limousine.net) e [union-occitane-cch.net](http://union-occitane-cch.net) pòt estre copiat, a volontat ! Possibilitat de far d'autres velhadas de repeticion en fonccion de las damandas.

### **ATELIER « LIMUS'OC » (Literatura e Musica Occitana) Responsabla : Jaumeta Beauzetie**

1. « L'Endurmida » (conte sus l'istòria de la linga occitana) : pas de velhadas 'questa annada. Quò fuguet pertant perpausat au Comitat de la Felibrejada que n'avia pas balhat de responsa.

Per l'annada que ven, perpausicion de far una novela velhada a partir de 'queu montatge de fotòs emb lo grope de Chantalinga... « **l'istòria de la linga en chançons** », programat per la Quinzena occitana, lo 28 de setembre de 2013 a Ajac.

**2. Auelh dau grope dau cors de Micheu Chapduelh, lo 2 de junh** : Coma lo Bòsc dau leberon es pus dubert a la visita, nos damanderem a Michela e J.Peire Larossaria de nos far visitar lo borg. Nos conterem la revòlta d'Ajac. Nos anerem visitar lo vilatge de Farjas ente vivia la « genta Clara » autres còps e la Anne-Françoise aura, que nos guidet. Repas a Sent-Estefe e contes e comentaris de las fotòs dau Bòsc dau leberon, sus lo site dau « roc branlant ». 'Na plan brava jornada que pòt se tornar far a la damanda...

### **3. Visita dau Saut dau Chaslard.**

Las visitas poden se far gratuïtament per una dietzena de personas, a la damanda.

### **ATELIER « CONTES » :Responsabla : Odeta Marcillaud**

Odeta contunha sas velhadas plan apreciadas.

**Novela animacion lo 26 d'octòbre 2012 a 8 oras ½ aus Champs e Roman, a la Sala de las Festas.**

### **ATELIER « POESIA »**

Quò ne marcha pas coma nos aimariam !

Anulacion de la velhada « omatge a Piare Rapeau »...

Per l'annada a venir nos essaierem de trabalhar per tema.

### **EDICIONS :**

Lo libre dau Ives Lavalade (texte de sa conferença « les noms de lieux issus des noms de végétaux ») s'es bien vendut, una 2a edicion fuguet facha de 100exemplaris.

L'AG es d'acòrd per tornar imprimir « Lu temps de las bateusas » de J. Beauzetie e lo teatre de Sent-Saud que lo J. Peire Reidi a tornat copiar.

L'AG a decidat d'imprimir tanben lo trabalh de Ives Lavalada sus 7 comunas : « la signification des noms du canton de Saint-Pardoux la Rivière ».

**BANC DE LIBRES.** Novelum vòu ben nos fornir en libres e nos fara una remeisa coma per los autres (Terra d'oc... ») Responsable : Jan-Glaudi Puegraveu.

*Bien entendu, l'associacion tu cara pas de sòus per la venta daus libres de Jan-Glaudi Puegraveu e de Ives Lavalada que ven tanben de far un mini tiratge de son texte sus lo Papagai 38 p.; 8 €. emb una version rimada mai un conte sudamerican. L'ensemble es revirat en francés.*

**EXPAUSICIONS :** « gents de Mestier » contunha a virar.

**PARTICIPACION A LA FELIBREJADA DE PUEG'GUT, lo 1er de julhet 2012, organizada per lo Bornat.**

Nos essaierem de participar a las velhadas de fabricacion de las flors... Odeta Marcillaud, Jan-Peire Reidi, Patric, Gilbert, Jaumeta a Varanha, Pueg-'Gut e Bussiera ! Granda decepcion : la gent venian nonmas per far las flors !

Banc tengut per lo Jan-Glaudi Puegraveu, Alan Millet e Jaumeta Beauzetie.

La Odeta Marcillaud contet de las istòrias de la Felicie.

Lo Patric Ratineu faguet cantar lo monde tota lo jornada.

Dins l'espace dau PNR : Expausicion de fotòs « Gents de Mestier » de Jaumeta Beauzetie, lectura de poemas de Jan-Peire Reidi, lectura daus poemas de Renat Marvaud e chants de « Chantalinga » de Limòtges.

**ATELIER QUINZENA OCCITANA :**

Un comitat de pilòtatge a estat creat emb **la Maison de País de Sent-Auvenç**. Participaran : Jan-Glaudi Ducourtieux, Alain Millet, Anne-Françoise Nadal, Patrick Ratineaud, Yves Lavalade, Annie Brouillet, Gilbert Bourgeois, Jan-Peire Reidi e Jaumeta Beauzetie.

Alan Millet contunha lo trabalh de tresaurier per 'questa annada.

**ATELIER DE DANÇA TRAD. : responsabla : Anne-Françoise Nadal**

Anne-Françoise Nadal perpausa un atelier que siria diferent de 'queu daus Gentes Goïats, « *qu'es pas una concurrència mas una complementaritat...* » mas ente trobar una sala sus Nontron ?

Anne-Françoise se'n ocupa. 'la pensa tanben contunhar sas intervencions a l'escòla de Nontron.

**ATELIER « DESCUBERTA DAU PITIT PATRIMÒNI OCCITAN : Responsabla : Anne-Françoise Nadal**

Daus noms son perpausats : « chaminam », « vam chaminar », « chamin d'a pe »... « de tras los chamins »... a chausir !

Ives parlet de son experiéncia, coma l'Ofici dau torisme de Lemòtges per la visita bilingua daus vielhs quartiers de la vila... Perque pas organizar una visita per nautres ? De las datas siran fixadas.

**ATELIER CONTES ANIMATS E TEATRE : Responsables : Annie Brouillet e Gilbert Bourgeois**

Animacion per la Quinzena sus una legenda... ò altra... coma fagueren per « la dròlla de Farjas ». A segre...

**ATELIER « JORNAU » : Gilbert Bourgeois** aimaria balhar la paraula a la gent dau coenh e pas solament en occitan... lo project es pas pro madur per lo moment. Faudria escrire mai de literatura

de « hall de gara » « *mesma si i a de moens en moens de garas !* » coma ditz lo Jan Ganhaire ! A segre... Geof, qu'escriutz tanben de las novelas d'espionatge, pensa que lo web es plan utile. Gilbert prefera l'escrich e M. Delage pensa que qu'es complementari : « *N'um pòt pas escotar la linga sus lo papier !* »... a segre.

**Monsur Jan Delage vòu ben nos aprener a far un [site « Union Occitana »](#)... Annie Brouillet e nòstra secretaria Sandra Walker volen ben essayar e prenen rendetz-vos !**

**Paja Facebook :** Sandra .Walker a creat 'quela paja. veire lo site plen de colors !

**Novelum nos perpausa d'escrire daus articles per « Paraulas de Novelum » a enviar a Jan-Glaudi Dugròs.**

Olivier Pigeassou, permanent de Novelum, aimaria trabalhar coma nautres per enregistrar de la gent sur las prononciacions daus toponimes que se troben sus lo site... Ives explica, d'aptes son experiança, que fau bien preparar lo trabalh avant per que la prononciacion daus informators sia precisa perque daus còps, n'um pòt mesma trobar de las diferenças entre lo nòrd e lo sud de la mesma comuna !

Geof sinhala que i a de las ruas diferentas en fonccion de las epòcas, la rua de l'escòla de sa comuna correspond pas a l'escòla d'auèi !...

**Chascun reflexis a las perpausicions d'animacions dins sos ateliers per fixar de las datas d'animacions afen de participar au calendrier dau PNR avant lo 15 de janvier de 2013 !**  
(Luòc de las animacions, data, ora, contengut e 2 linhas de presentacion).

Alain Millet presentet los comptes. La sòma de 500 € reçaubuda dau Conselh Generau per 2012 sira afectada per l'achat de materiau de sonorizacion per la Jornada dau chant.

Coma lo Jan-Peire Reidi tròba que qu'es pas tròp comòde de far passar lo corrier, l'AG a decidat de chamnhar l'adreïça que sira : **Pueg-Ardich 24470 CHAMPS E ROMAN.**

**Après totas 'quelas discussions, qu'era l'ora de minjar !!! Plan bon repas !**

**La cotisacion es de 10 € per l'annada. Obludatz pas de la païar !**

**L'important es de contunhar a far viure nòstra linga** desinhada coma linga en dangier de desaparicion per lo darrier rapòrt de l'UNESCO.

